

ქ. თბილისი

25 იანვარი 2019 წ.

1. ხელშეკრულების დამდები მხარეები

1.1. ერთი მხრივ (შემდგომში „მიმწოდებელი“)

ორგანიზაცია

სსიპ „საგანგებო სიტუაციების კოორდინაციისა და გადაუდებელი დახმარების ცენტრი“

დირექტორის მოადგილე

დავით ტორუა

1.2 და მეორე მხრივ (შემდგომში „შემსყიდველი“)

ორგანიზაცია

სსიპ

„ადამიანით ვაჭრობის (ტრეფიკინგის) მსხვერპლთა, დაზარალებულთა დაცვისა და დახმარების სახელმწიფო ფონდი“ დირექტორი მერი მაღლაფერიძე.

ვხელმძღვანელობთ რა საქართველოს მოქმედი კანონმდებლობით, მათ შორის „საქართველოს შრომის, ჯანმრთელობისა და სოციალური დაცვის სამინისტროს სახელმწიფო კონტროლს დაქვემდებარებული საჯარო სამართლის იურიდიული პირის – საგანგებო სიტუაციების კოორდინაციისა და გადაუდებელი დახმარების ცენტრის მიერ მომსახურების გაწევის საფასურის, მისი გადახდის, გადახდილი საფასურის დაბრუნებისა და საფასურის გადახდისაგან გათავისუფლების წესის დამტკიცების შესახებ“ საქართველოს მთავრობის 2015 წლის 09 ნოემბრის N565 დადგენილებით, „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ზ“ ქვეპუნქტის საფუძველზე ვდებთ წინამდებარე ხელშეკრულებას შემდეგზე:

2. ხელშეკრულების საგანი

2.1 ხელშეკრულების საგანს წარმოადგენს შემსყიდველის მიერ 2019 წლის 30 იანვრიდან 3 თებერვლის ჩათვლით დაგეგმილ ტრენინგებზე მიმწოდებლის მიერ სასტუმროს მომსახურების შესყიდვა (CPV55110000 - სასტუმროში დაბინავების მომსახურება).

2.2. ხელშეკრულების 2.1. პუნქტში მითითებული მომსახურების განხორციელების ადგილმდებარეობაა: ქ. თბილისი, დავით აღმაშენებლის ხეივანის მე-12 კილომეტრი.

3. განხორციელების ვადა, ღირებულება დაფინანსების წყარო

3.1. ხელშეკრულებით გათვალისწინებული მომსახურება განხორციელდება 2019 წლის 30 იანვრიდან 2019 წლის 3 თებერვლის ჩათვლით.

3.2. ხელშეკრულებით გათვალისწინებული მომსახურების, სასტუმროს ოთახების (1 ნომერი ორადგილიანი) 4 ღამით და (2 ნომერი ორადგილიანი) 5 ღამით დროებით სარგებლობაში გადაცემის ჯამური ღირებულებაა 1260 (ათას ორას სამოცი) ლარი.

3.3 ხელშეკრულების 3.2 პუნქტით გათვალისწინებული მომსახურების დეტალური აღწერა განსაზღვრულია დანართში, რაც წარმოადგენს ხელშეკრულების განუყოფელ ნაწილს.

3.5. დაფინანსების წყარო–2019 წლის გაეროს ქალთა ორგანიზაციის გრანტი „ოჯახში ძალადობისა და სექსუალური ძალადობის პრევენცია“

4. მიღება-ჩაბარების წესი

4.1 წინამდებარე ხელშეკრულებით გათვალისწინებული მომსახურების დასრულების შემდეგ მხარეთა უფლებამოსილ წარმომადგენლებს შორის ფორმდება მიღება-ჩაბარების აქტი.

4.2 4.1 პუნქტით განსაზღვრული შესაბამისი მიღება-ჩაბარების აქტის ხელის მოწერაზე უფლებამოსილ პირებს წარმოადგენენ:

ა) მიმწოდებლის მხრიდან – სასწავლო სატრენინგო ცენტრის უფროსის მოვალეობის შემსრულებელი ნინო ხომერიკი.

ბ) შემსყიდველის მხრიდან – სსიპ „ადამიანით ვაჭრობის (ტრეფიკინგის) მსხვერპლთა, დაზარალებულთა დაცვისა და დახმარების სახელმწიფო ფონდი“-ს თანამშრომელი პროექტის ლოჯისტიკის კოორდინატორი გენადი სადუნიშვილი.

5. ანგარიშსწორების ფორმა და ვადები

5.1. ანგარიშსწორება ხორციელდება უნაღდო ანგარიშსწორებით, ეროვნულ ვალუტაში.

5.2. ანგარიშსწორების საფუძველია მხარეების უფლებამოსილი წარმომადგენლებს შორის გაფორმებული „მიღება-ჩაბარების“ აქტი.

5.3. „შემსყიდველი“ უზრუნველყოფს „მიმწოდებლისათვის“ ამ ხელშეკრულებით გათვალისწინებული ღირებულების ანაზღაურებას, მხარეთა შორის მიღება-ჩაბარების აქტის გაფორმებიდან 15 (თხუთმეტი) სამუშაო დღის ვადაში.

6. უფლებები და ვალდებულებები

6.1. „მიმწოდებელი“ ვალდებულია:

6.1.1. კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;

6.1.2. უზრუნველყოს „შემსყიდველისათვის“ მომსახურების გაწევა ხელშეკრულების პირობების შესაბამისად.

6.1.2. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

6.2. „შემსყიდველი“ ვალდებულია:

6.2.1. გაუფრთხილდეს მისთვის დროებით სარგებლობაში გადაცემულ ქონებას და დაუბრუნოს „მიმწოდებელს“ იგივე მდგომარეობაში, როგორც მიიღო;

6.2.2. აუნაზღაუროს „მიმწოდებელს“ ფართის დროებით სარგებლობის ღირებულება, ამ ხელშეკრულებით დადგენილი პირობების შესაბამისად;

6.2.3. დანიშნულებისამებრ (სასწავლო/სატრენინგო/საკონფერენციო ან სხვა მსგავსი მიზნები) გამოიყენოს ქონება, არ დაუშვას დროებით სარგებლობაში გადაცემული ფართის არამიზნობრივი გამოყენება;

6.2.4. დაიცვას სანიტარული და ხანძარსაწინააღმდეგო წესები, არ დაუშვას ქონებაზე მავნე და ადამიანის სიცოცხლის ან ჯანმრთელობისათვის საშიში საგნების განთავსება;

6.2.5. არ გადასცეს (გადაცემის ფორმის მიუხედავად) ფართი სხვა მესამე პირს;

6.2.6. სრულად და გონივრულ ვადაში, აუნაზღაუროს „მიმწოდებელს“ მიყენებული ზიანი ან ზარალი, რაც მიადგა ქონებას, უშუალოდ შემსყიდველის ბრალით.

6.2.7. ზედმიწევნით და განუხრელად დაიცვას წინამდებარე ხელშეკრულებით ნაკისრი ვალდებულებები;

6.2.8. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

6.3. „მიმწოდებელს“ უფლება აქვს:

6.3.1. ხელშეკრულების ფარგლებში მოითხოვოს დროული და სრული დაფინანსება;

6.3.2. მოთხოვოს „შემსყიდველს“ მიყენებული ზიანის (ზარალის) ანაზღაურება;

6.3.3. მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფოებრივი ან/და საზოგადოებრივი ინტერესებიდან გამომდინარე, უარი განუცხადოს „შემსყიდველს“ მომსახურების გაწევაზე და ცალმხრივად შეწყვიტოს ხელშეკრულება. ამ შემთხვევაში „მიმწოდებელი“ სრულად უბრუნებს „შემსყიდველს“ ხელშეკრულების ღირებულებას, თუ მისი გადახდა განხორციელდა წინასწარ და თავისუფლდება სხვა რაიმე დამატებითი გადასახდელის (ჯარიმა, პირგასამტეხლო და ა.შ.) გადახდისაგან;

6.4. „შემსყიდველს“ უფლება აქვს:

6.4.1. მოსთხოვოს „მიმწოდებელს“ ხელშეკრულებით გათვალისწინებული პირობების შესრულება.

7. ფორს-მაჟორი

7.1. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

7.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

8. ხელშეკრულების პირობების ცვლილება და დავების გადაწყვეტა

8.1. წინამდებარე ხელშეკრულების პირობების შეცვლა შესაძლებელია შეთანხმებით, ხელშეკრულებაში წერილობითი ფორმით ცვლილებების შეტანის გზით.

8.2. მხარეები ხელშეკრულებიდან გამომდინარე წარმოშობილ დავებს წყვეტენ ურთიერთშეთანხმებით, ხოლო შეუთანხმებლობის შემთხვევაში დავების გადასაწყვეტად უფლება აქვთ მიმართონ სასამართლოს.

9. მხარეთა მიერ ვალდებულებების შეუსრულებლობა

9.1. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში მეორე მხარე უფლებამოსილია დამრღვევ მხარეს დააკისროს პირგასამტეხლო ხელშეკრულების ღირებულების 0,1%-ის ოდენობით, ყოველ ვადაგადაცილებულ დღეზე.

9.2. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9.3. ამ მუხლით გათვალისწინებულ საჯარიმო სანქციასთან ერთად ხელშეკრულებით ნაკისრი ვალდებულებების დამრღვევი მხარე ვალდებულია მეორე მხარის მოთხოვნის შემთხვევაში გადაუხადოს მას მიყენებული ზიანი (ზარალი), რაც გამოწვეულია ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით.

10. ხელშეკრულების კონტროლი

10.1. ხელშეკრულების შესრულების კონტროლს განახორციელებს მიმწოდებლის მხრიდან სასწავლო სატრენინგო ცენტრის უფროსის მოვალეობის შემსრულებელი ნინო ხომერიკი.

10.2. ხელშეკრულების შესრულების კონტროლს განახორციელებს შემსყიდველის მხრიდან სსიპ „ადამიანთ ვაჭრობის (ტრეფიკინგის) მსხვერპლთა, დაზარალებულთა დაცვისა და დახმარების სახელმწიფო ფონდი“-ს დირექტორის ბრძანებით განსაზღვრული უფლებამოსილი პირი.

10.3. კონტროლის განმახორციელებელი პირის ფუნქციებია:

10.3.1. მხარეების მიერ ნაკისრი ვალდებულებების ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება.

10.3.2. ამ ხელშეკრულების პირობების შესაბამისად „შემსყიდველთან“ ანგარიშსწორების პროცესის რეგულირება და „მიღება-ჩაბარების აქტის“ გაფორმება.

11. ხელშეკრულების ენა

ხელშეკრულება და მასთან დაკავშირებული ყველა მოლაპარაკებები და სხვა დოკუმენტაცია, რომლებიც გაიცელება მხარეთა შორის, ფორმდება ქართულ ენაზე.

12. ხელშეკრულების მოქმედების ვადა და შეწყვეტა

12.1. ხელშეკრულება ძალაშია მხარეთა მიერ მისი ხელმოწერის მომენტიდან და მოქმედებს 2019 წლის 10 მარტის ჩათვლით.

12.2. ხელშეკრულება შეიძლება შეწყვეტილ იქნეს:

12.2.1. ურთიერთვალდებულებების შესრულებით.

12.2.2. მხარეთა შეთანხმებით.

12.2.3. საქართველოს მოქმედი კანონმდებლობით და/ან ამ ხელშეკრულებით გათვალისწინებულ სხვა შემთხვევებში.

13. სხვა პირობები

13.1. მხარეები ხელმძღვანელობენ ურთიერთპატივისცემის პრინციპით და თანამშრომლობის გაღრმავების სურვილით.

13.2. ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას.

13.3. მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია. კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.

13.4. ხელშეკრულების მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების შეუსრულებლობის, ხელშეკრულების პირობების დარღვევის შესახებ და ა.შ., თუ წინასწარ არ მოხდა შესაბამისი საკითხის ერთობლივი შესწავლა და შესაბამისი ფაქტების დადასტურება.

13.5. ხელშეკრულების რომელიმე ნორმის (მუხლი, პუნქტი) ბათილად ან გაუქმებულად გამოცხადება არ იწვევს მთლიანად ხელშეკრულების ბათილობას ან გაუქმებას. იმ შემთხვევაში, თუ ხელშეკრულების რომელიმე ნორმის (მუხლის, პუნქტის) ბათილობის/გაუქმების საფუძველია საქართველოს კანონმდებლობაში განხორციელებული ცვლილება, რაც ამოქმედდა წინამდებარე ხელშეკრულების ხელმოწერის შემდეგ, მხარეები ვთანხმდებიან, რომ ამ შემთხვევაში არ არის სავალდებულო ხელშეკრულებაში კორექტირების შეტანა შეთანხმებით, ხოლო ბათილად/გაუქმებულად გამოცხადებული ხელშეკრულების ნორმის (მუხლის, პუნქტის) ნაცვლად მხარეები იხელმძღვანელებენ საქართველოს მოქმედი კანონმდებლობით.

13.6. ამ ხელშეკრულებით განსაზღვრული ვადის უქმე ან დასვენების დღეებზე დამთხვევის შემთხვევაში, შესაბამისი პირობა უნდა შესრულდეს არაუგვიანეს დადგენილი ვადის მომდევნო სამუშაო დღეს.

13.7. წინამდებარე ხელშეკრულება გაფორმებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

13.8. წინამდებარე ხელშეკრულებით გაუთვალისწინებელი საკითხები რეგულირდება საქართველოს მოქმედი კანონმდებლობით.

13.9. ხელშეკრულება შედგენილია თანაბარი იურიდიული ძალი მქონე 4 ეგზემპლარად, 2 ეგზემპლარი ინახება „მიმწოდებელთან“ და 2 ეგზემპლარი – „შემსყიდველთან“.

„შემსყიდველი“

სსიპ „ადამიანით ვაჭრობის (ტრეფიკინგის)
მსხვერპლთა, დაზარალებულთა დაცვისა და
დახმარების სახელმწიფო ფონდი“
ქ. თბილისი თამარაშვილის #15ა
სახელმწიფო ხაზინა
კოდი № TRESGE22
ა/ა № GE24NB0330100200165022
ს/კ № 205169592

მერი მაღლაფერიძე

„მიმწოდებელი“

სსიპ „საგანგებო სიტუაციების კოორდინაციისა და
გადაუდებელი დახმარების ცენტრი“
მიმღების ბანკი – სახელმწიფო ხაზინა მიმღების
დასახელება – ხაზინის ერთიანი ანგარიში
ბანკისკოდი – TRESGE22
მიმღების ანგარიში/სახაზინო კოდი – 707067019
შემოსულობის დასახელება – ცენტრის (ს/კ
205307960)
სარგებლობაში არსებული ფართის დროებით
სარგებლობაში გადაცემიდან მიღებული შემოსავალი.

დავით ტორუა



შეთანხმებულია:

ვახტანგ ჭანიშვილი-----

ნინო საბანაძე-----

გიორგი ტარულიშვილი-----

	მომსახურება	ნომრის სახეობა და საათები	დღეების რაოდენობა	ნომრების რაოდენობა	ერთეულის ღირებულება	ჯამი
1	სასტუმროს ნომერი	2 ორადგილიანი ნომერი	5 ღამე	2	90	900
	სასტუმროს ნომერი	2 ორადგილიანი ნომერი	4 ღამე	1	90	360
					ჯამი	1260